

# Manaidsear Leasachaidh Foghlaim Adhartach



Fios mun Dreuchd

[www.smo.uhi.ac.uk](http://www.smo.uhi.ac.uk)

Tha Sabhal Mòr Ostaig na charthannas clàraichte an Alba SC002

A charaid/A bhanacharaid

Tha sinn fìor thoilichte gu bheil sibh air ùidh a nochdadh ann an dreuchd Manaidsear Leasachaidh Foghlaim aig an t-Sabhal.

Anns a' phasgan seo, thathas air beagan fiosrachaidh a tharraing ri chèile airson blasad a thoirt dhuibh air na bhios a' dol aig a' Cholaiste agus air an t-seòrsa àrainneachd-obrach a tha againn. Tha 101 neach-obrach sa Cholaiste (cuid aig astar) agus tha eachdraidh làidir againn a bhith ag obair mar sgioba le dàimhean làidir agus feallsanachd co-obrachail. Seo mar a tha am fiosrachadh air a roinn dhuibh:

- Cùrsaichean is Oileanaich
- Roinnean na Colaiste
- Fiosrachadh Feumail Eile
- Tuairisgeul obrach
- Sònrachadh Pearsa
- Cumhachan Obrach
- Fios mu Iarrtas

Tha sinn an dòchas gun còrd na leanas ribh agus gum bi sibh airson ur n-iarrtas a thoirt air adhart chun na h-ath ìre. Ma tha ceistean sam bith agaibh no ma tha am barrachd fiosrachaidh a dhith oirbh faodar fònadh thugainn aig àm sam bith.

Le deagh dùrachdan



Ceannard Sgiobachd  
01471 888 301  
[nnt.smo@uhi.ac.uk](mailto:nnt.smo@uhi.ac.uk)

*Tha àrainn oideachaidh air leth aig Sabhal Mòr Ostaig. Tha na cùrsaichean agus a' Cholaiste gu lèir tro mheadhan na Gàidhlig - an aon Cholaiste den t-seòrsa seo an Alba agus san t-saoghal. Tha a' Cholaiste stèidhichte ann an Slèite anns an Eilean Sgitheanach, sgìre a tha ainmeil airson bòidhchead na h-àrainneachd.*

*Chaidh a' Cholaiste a stèidheachadh ann an 1973 agus bhon uair sin tha i air cliù a chosnadh air feadh an t-saoghail mar Ionad airson Cànan agus Cultar na Gàidhlig. 'S e colaiste spèisealta a th' innte, a' tabhann foghlam àrd-ìre, foghlam leantainneach agus cothroman rannsachaidh. Tha Sabhal Mòr Ostaig mothachail air cho cudromach 's a tha bunait làidir airson a' chànain, a' chultair agus nan ealan agus tha i an sàs ann an iomadh pròiseact gus seo a thoirt air adhart.*

## ***“Far am faigh a h-uile neach cothrom pàirt a ghabhail ann an leasachadh na Gàidhlig”***

### **Amas na Colaiste**

Tha Sabhal Mòr Ostaig airson a bhith na shàr ionad acadaimigeach aig cridhe leasachaidhean ann an cànan agus dualchas nan Gàidheal le bhith a' tairgsinn deagh chothroman foghlaim, trèanaidh agus rannsachaidh tro mheadhan na Gàidhlig agus le bhith a' dol an sàs gu h-innleachdach còmhla ri daoine eile, luchd-gnìomhachais agus a' choimhearsnachd air fad gus leasachaidhean sòisealta, dualchasach agus eaconamach a chur air adhart. Tha a' Cholaiste na h-àite foghlaim làn-Ghàidhlig agus na h-àite gnìomhachais làn-Ghàidhlig, le sàbhaladh, brosnachadh agus leudachadh na Gàidhlig mar phrìomh adhbhar na Colaiste.

### **Luachan na Colaiste – Ro-innleachd SMO**

#### **A' brosnachadh Co-ionannachd**

Tha co-ionannachd aig cridhe obair na Colaiste anns a h-uile dòigh.

#### **Miann**

A' togail air soirbheachas mar Ionad Nàiseanta Cànan is Cultar na Gàidhlig gus coimhearsnachd na Gàidhlig a mhisneachadh agus a neartachadh.

#### **A' Ghàidhlig**

Tha an cànan aig cridhe obair na Colaiste agus tha sinn a' dèanamh a h-uile oidhirp airson a neartachadh agus a leasachadh anns gach raon de ar n-obair.

#### **Sàr-ionad**

Tha a' Cholaiste stèidhichte airson a bhith na shàr-ionad foghlaim, rannsachaidh agus leasachaidh, ag obair còmhla ri ar coimhearsnachdan is com-pàirtichean ionadail, nàiseanta agus eadar-nàiseanta. Tha e mar amas dhuinn taic a chur ri ar n-oileanaich agus ri ar luchd-obrach a chum maith am beatha.

#### **Aig cridhe na Coimhearsnachd**

Tha Sabhal Mòr Ostaig aig cridhe coimhearsnachd na Gàidhlig, aig ìre ionadail, nàiseanta agus eadar-nàiseanta.

#### **Daoine**

'S iad ar daoine - luchd-obrach, oileanaich, buill ar coimhearsnachd agus ar luchd-ceuma a tha sgapte air feadh an t-saoghail, an neart as motha a th' againn. Bidh sinn ag obrachadh gu dlùth còmhla riutha gus an Ro-innleachd seo a thoirt gu buil.

### **Fosgailte agus Onarach**

Tha soirbheachas na Colaiste an crochadh gu mòr air a bhith a' dèiligeadh ri daoine gu h-onarach agus gu fosgailte agus a bhith dìreach nar cuid conaltraidh ris gach neach leis a bheil sinn ag obrachadh.

### **Ùr-ghnàthach**

Tha a' Cholaiste air cliù a chosnadh dhi fhèin mar shàr-ionad ùr-ghnàthach aig cridhe leasachadh na Gàidhlig.

### **A' Cur ri luach eaconamach agus sòisealta**

Tha buaidh mhòr aig obair an t-Sabhail Mhòir air eaconamaidh agus coimhearsnachd na Gàidhlig agus tha a' Cholaiste a' creidsinn gu mòr ann a bhith a' sgaoileadh nam buannachdan sin a tha i a' cruthachadh gu maith ar coimhearsnachdan air fad.

### **Ar Sealladh**

Bidh Sabhal Mòr Ostaig mar:

**Shàr ionad nàiseanta is eadar-nàiseanta airson na Gàidhlig**  
**Shàr ionad foghlaim is rannsachaidh**  
**Shàr ionad dha na Meadhanan is na h-Ealain Ghàidhlig**  
**Phrìomh ionad ionnsachaidh na Gàidhlig**  
**Shàr ionad cleachdaidh na Gàidhlig**  
**Phrìomh àite-obrach na Gàidhlig**  
**Làn chom-pàirtiche ann an libhrigeadh Plana Nàiseanta na Gàidhlig**

## Cùrsaichean is Oileanaich

'S e colaiste ùr-ghnàthach a th' ann an Sabhal Mòr Ostaig agus tha i na com-pàirtiche acadaimigeach ann an Oilthigh na Gàidhealtachd 's nan Eilean. Tha goireasan ionnsachaidh air leth ann, leabharlann sònraichte, spèisealta, agus tha àiteachan-fuirich agus ionad cùraim chloinne air an àrainn.

Am-bliadhna, tha 178 oileanach clàraichte air cùrsaichean àrd-ìre agus bha 1006 oileanaich againn am-bliadhna air na cùrsaichean goirid (àm na Càisge agus as t-Samhradh). A bharrachd air sin, tha mu 235 air a' Chùrsa Inntigidh - cùrsa astair do luchd-tòiseachaidh. Bidh deagh mheasgachadh de dh'oileanaich a' tighinn don Cholaiste, aig diofar aoisean agus à diofar àiteachan. 'S ann às Alba agus an Rìoghachd Aonaichte a bhios a' mhòr-chuid ach tha oileanaich air tighinn thugainn às na Stàitean Aonaichte, dùthchannan Eòrpach agus Àisia cuideachd. Ann an 2016-17, thàinig oileanaich nan cùrsaichean goirid à còrr is fichead dùthaich.

Tha luchd-ceumnachaidh an t-Sabhail air a dhol air adhart gu dreuchdan Gàidhlig ann an iomadach gnìomhachas, a' cur nan sgilean aca gu feum ann an leasachadh a' chànain. Ann an 2017 chaidh clach-mhìle shònraichte a chomharrachadh agus còrr is 1,000 oileanach a-nis air teisteanas no ceum a thoirt a-mach bho thòisich iad a' ceumnachadh ann an 1985.

## Foghlam Leantainneach

Cùrsaichean Goirid - Gàidhlig - gach ìre

Cùrsaichean Goirid - Ceòl - measgachadh

An Cùrsa Inntigidh - do luchd-tòiseachaidh air astar

## Foghlam Ard ìre

An Cùrsa Adhartais - do luchd eadar-mheadhanach air astar

An Cùrsa Comais - do luchd eadar-mheadhanach (làrach is astar)

Gàidhlig is Conaltradh - bliadhna cànan do dh'fhileantaich (làrach)

## Ceumannan

BA (Urr) Gàidhlig is Leasachadh

BA (Urr) Gàidhlig is Ceòl Traidiseanta

BA (Urr) Gàidhlig is na Meadhanan

BA (Urr) Gàidhlig is Foghlam (teisteanas teagaisg na lùib)

BA (Urr) Cànan is Cultar na Gàidhlig

Dioplòma anns na Meadhanan Gàidhlig (PDA)

## For-cheumannan

MSc Gàidhlig is Eachdraidh na Gàidhealtachd

Modal ann an Sgilean Deasachaidh

Sgilean Eadar-theangachaidh (ga dhearbhadh)

PG Cert Cultar agus Dualchas na h-Alba (astar)

STREAP - do thidsearan

Cothroman MLitt agus PhD.

## Roinnean na Colaiste

Thòisich Dr Gillian Rothach mar Phrionnsapal na Colaiste san Lùnastal 2018. Tha Gillian gu mòr airson inbhe an t-Sabhail Mhòr mar phrìomh àite-ionnsachaidh na Gàidhlig agus mar phrìomh àite acadaimigeach airson foghlam tro mheadhan na Gàidhlig, a leasachadh agus a neartachadh san àm ri teachd. Tha Sabhal Mòr Ostaig an dà chuid mar àite-ionnsachaidh do dh'oileanaich agus mar àite-cleachdaidh don luchd-obrach.

## ROINN AN FHOGLAIM AGUS RANNSACHAIDH

Tha Sabhal Mòr Ostaig ag obair aig ìre foghlaim leantainneach, àrd ìre agus aig ìre rannsachaidh. Tha sinn a' tabhann chùrsaichean mar a leanas:

Tha an t-lar-phrionnsapal agus Stiùiriche an Fhoghlaim, Dr. Marsaili NicLeòid, os cionn na roinne se. Le còrr is 50 neach-obrach, tha farsaingeachd san roinn seo a' còmhdachadh foghlam àrd-ìre, leantainneachd, rannsachadh agus seirbheisean taic foghlaim. Tha Marsaili gu sònraichte a' coimhead ri cothroman àrd-ìre a leasachadh. Tha obair Rannsachaidh na Colaiste a' sìor dhol am meud cuideachd fo stiùir a' Mhanaidseir Rannsachaidh, le àrd-amasan airson REF 2021. Chithear barrachd mun inbhe rannsachaidh againn [an seo](#).

## ROINN LEASACHAIDH

Tha leasachadh aig cridhe feallsanachd an t-Sabhail Mhòir. Tha dà phrìomh leasachadh a' dol air adhart an-dràsta. Tha iad sin nam pàirt de leasachadh na Cille Bige far a bheil sinn ag amas air baile a chruthachadh le Gàidhlig aig cridhe na cùise. Chaidh a' chiad dà thaigh a thogail o chionn còrr is bliadhna is dà theaghlach air gluasad a-staigh. 'S e pròiseact cudromach a tha seo agus bidh Donaidh Rothach a' stiùireadh na roinne seo. Tha Donnie cuideachd na oifigear air an Urras Leasachaidh againn a bhios a' togail airgead airson taic a chumail ris na leasachaidhean seo.

## ROINN CHORPORRA AGUS IONMHAIS

Tha an Stiùiriche Corporra agus an Stiùiriche Ionmhais os cionn roinnean agus buidhnean corporra sa Colaiste, nam measg ionmhas, aoigheachd, ICT, sgiobachd, margaideachd agus pròiseactan. Tha conaltradh, leasachadh luchd-obrach agus leasachadh gnìomhachais mar phàirt chudromach den roinn corporra. Bidh an sgioba ionmhais a' cumail taic ri pròiseactan taobh a-muigh na Colaiste cuideachd m.e. Ionad Chalum Chille Ile, Cànan agus pròiseactan mar Tobar an Dualchais agus Faclair na Gàidhlig.

Bidh a' Cholaiste a' ruith cho-labhairtean tron bhliadhna nuair nach bi oileanaich an seo agus tha an teachd-a-steach seo gu math cudromach dhan Cholaiste. Tha cothrom ann seo a leudachadh ach 's e oileanaich làn-ùine am prìomhachas agus chan eil e comasach an dà chuid a dhèanamh air an làrach aig an aon àm air sàillibh gainnead àiteachan-fuirich.

## **Fiosrachadh Feumail Eile**

Bidh Sabhal Mòr Ostaig a' faighinn maoinachadh bhon Riaghaltas (Ach Dualchais na h-Alba), bhon Chomhairle Mhaoinachaidh (airson foghlam leantainneach) agus bhon Chomhairle, tro OGE, airson foghlam àrd-ìre. A bharrachd air sin tha tabhartasan sònraichte a' tighinn thugainn m.e. airson rannsachaidh, tha sinn a' togail airgid tro chìsean chùrsaichean agus tro aoiagheachd agus àiteachan-fuirich sa Cholaiste.

## **Sgrìobhainnean feumail eile**

[Ro-innleachd 2017-21](#)

[Plana Cànan na Colaiste 2017-22](#)

[Aonta Thoraidhean \(Outcome Agreement\)](#)

[Sgeama Co-ionannachd na Colaiste](#)

[Plana Gnìomh Gnè](#)

## **Àrainneachd Bheothail**

'S e stèidheachd ionnsachaidh bheothail, adhartach a th' ann an Sabhal Mòr Ostaig, a bhios ag amas air coimhearsnachd Ghàidhlig làn mhisneachd is soirbheachais a bhrosnachadh. Tha iomadh pròiseact agus buidheann stèidhichte air làrach na Colaiste (faicibh an liosta gu h-ìosal), agus iomadh tachartas ionadail air an cumail ann cuideachd.

Tha iomadh togalach againn air an làraich agus bidh buidhnean is pròiseactan stèidhichte againn a' dearbhadh cho cudromach 's a tha com-pàirteachas ann an saoghal na Gàidhlig agus mar a tha a' Cholaiste cuideachd a' cumail taic ri gnìomhachasan anns an sgìre fhèin.

## **Togalaichean**

### **Àrainn Ostaig (AO)**

Seo am prìomh togalach, an Sabhal fhèin, far an do thòisich foghlam Gàidhlig air ìre colaiste ann an 1973. Thathas ga chleachdadh a-nis airson chèilidhean san Talla Mhòr, ionad-spòrs beag, oifisean air mhàl agus àite coinneachaidh nan oileanach fhèin. Tha seòmraichean cadail agus stiùidio clàraidh fuaim cuideachd stèidhichte aig AO.

### **Ionad Iain Nobail**

Seo an togalach às ùire aig a' Cholaiste. Chaidh fhosgladh ann an 2015 leis a' Phrìomh Mhinistear Nicola Sturgeon. An seo tha roinn rianachd na Colaiste, a' mhòr-chuid den luchd-teagaisg is rannsachaidh agus clasaichean na ciad bhliadhna. Tha oileanaich rannsachaidh na Colaiste agus a' chompanaidh dealbhachaidh Cànan suidhichte an seo cuideachd.

### **Fàs**

Seo agaibh an togalach airson bhuidhnean is ghnìomhachasan cruthachail is cultarail le measgachadh de phròiseactan is chompanaidhean stèidhichte ann.

### **Àrainn Chaluim Chille (ACC)**

Seo far am bi tòrr dhen teagasg is ionnsachadh a' tachairt, agus tha an t-lar-phrionnsapal, an Leabharlann agus an seòmair-bidhe an seo. Tha àiteachan-fuirich air gach taobh dhen prìomh thogalach.

**Pròiseactan (far a bheil com-pàirt aig a' Cholaiste)**

SOILLSE

Faclair na Gàidhlig

Ainmean Àite na h-Alba

Tobar an Dualchais

**Companaidhean agus Buidhnean leis a' Cholaiste**

Fàs Mòr - ionad cùraim chloinne

Cànan (CGS) - Companaidh iomadh-mheadhain na Colaiste

SkyeSpace - stiùidio agus goireasan clàraidh

**Luchd-màil**

Dualchas - ailtirean

Seumas Ó Baoighille Ltd - gnìomhachas ionadail

DEARG - Bùth ghibhitean

SEALL – companaidh brosnachadh nan ealan

Sealladh - companaidh riochdachaidh telebhisein

Young Films



**Tuairisgeul-obrach**

<b>TIOTAL-OBRACH</b>	Manaidsear Leasachaidh Foghlaim Adhartach
<b>ROINN</b>	Roinn an Fhoghlaim
<b>AN URRA RI</b>	Iar-stiùiriche an Fhoghlaim
<b>UALLACH AIRSON</b>	Roinn an Fhoghlaim - luchd-teagaisg, luchd-taic aig ìre Foghlam Adhartach
<b>SGÈILE THUARASTAIL</b>	£32-35,000
<b>PRÌOMH ÀITE-OBRACH</b>	Sabhal Mòr Ostaig, Slèite, An t-Eilean Sgitheanach, IV44 8QR

**PRÌOMH AMAS NA H-OBRACH**

A' stiùireadh nan sgiobaidhean a tha an sàs ann am foghlam adhartach is air astar, a' leasachadh nan cùrsaichean agus a' cruthachadh chothroman ùra, inbhe acadaimigeach agus teachd-a-steach na Colaiste àrdachadh

**PRÌOMH UALLAICHEAN**

**Leasachadh**

- A' cur air bhog cùrsa ùr do luchd-ionnsachaidh, aghaidh ri aghaidh
- A' neartachadh com-pàirteachadh oileanaich aig astar
- A' gabhail uallach airson poileasaidhean oileanaich (astar)
- A' gabhail uallach airson Leabhar-làimhe oileanaich (astar)
- A' togail air sgeamaichean nàiseanta e.g. Leasachadh Luchd-obrach Òg
- A' cruthachadh siostam airson dàta agus fiosrachadh a ghleidheadh fo riaghailtean General Data Protection Regulation
- A' cruthachadh modal lìbhrigidh airson cùrsaichean ùra a chruthachadh
- A' cruthachadh agus a' tarraing air na meòrachain chom-pàirteachaidh le buidhnean bhon taobh a-muigh
- A' dearbhadh gu bheil a' dèiligeadh ri Cùram, Ciorram agus Dìon Chloinne mar bu chòir
- Bidh feumalachdan a bharrachd a' nochdadh a thaobh oidean air astar.

**Stiùireadh**

- A' stiùireadh luchd-obrach sgiobaidhean nan Cùrsaichean Goirid, sgioba nam Preantasachdan agus sgioba Cùrsaichean Astar na Colaiste
- A' dearbhadh gu bheil siostaman stèidhichte airson na leanas: a' trusadh oidean, inntrigeadh agus trèanadh leantainneach nan oidean, a' dearbhadh gum bi oidean a' leantainn modhan-obrach nan cùrsaichean, a' cur air dòigh luchd-measaidh
- A' coinneachadh leis an sgioba gu cunbhalach agus gu h-èifeachdach
- A' dèanamh cinnteach gu bheil prògraman oideachaidh, ro-innleachdan agus poileasaidhean freagarrach ann airson gnothaichean co-cheangailte ris na cùrsaichean seo
- A bhith an urra ri dealbhachadh, stiùireadh agus a' leasachadh cùrsaichean foghlaim adhartach.
- A bhith a' conaltradh le oilthighean, colaistean agus buidhnean eile gus togail air cothroman co-obrachaidh, a leithid meòrachain chom-pàirteachaidh, iomlaidean agus cothroman ionnsachaidh

### Mar bhall den sgioba

- A' toirt taic don Iar-phrionnsapal agus do dh'Iar-Stiùiriche an Fhoghlaim ann a bhith a' cur an gnìomh phoileasaidhean, ro-innleachdan agus phrògraman, aontaichte le Bòrd Stiùiridh na Colaiste.
- A bhith a' com-pàirteachadh ann an siostaman measaidh, deagh-ghnè agus fèin-luachaidh SMO.
- A bhith a' riochdachadh na Colaiste agus Roinn an Fhoghlaim air buidhnean agus comataidhean fa leth, m.e. buidhnean agus comataidhean aig OGE.
- A bhith a' leantainn riaghailtean slàinte is sàbhailteachd.
- A' coileanadh agus a' leasachadh deagh-ghnè na Colaiste
- Obair iomchaidh sam bith eile a dhèanamh mar a bhios feum aig a' Cholaiste bho àm gu àm.
- Dàimhean le na buidhnean a tha an sàs ann am Foghlam Adhartach (SDS, SQA, Bòrd na Gàidhlig)
- A bhith a' leasachadh ìomhaigh agus a' cur an cèill feallsanachd na Colaiste.

'S e seo tuairisgeul air an obair. Sa chumantas thèid beachdachadh air seo bho àm gu àm gus dèanamh cinnteach gu bheil e iomchaidh agus gus atharrachaidhean sam bith a dhèanamh. Thèid seo a dhèanamh leis an neach-obrach agus a' mhanaidsear aige/aice agus mar sin thathas a' sùileachadh gun gabhar pàirt anns na còmhraidhean seo. Tha Sabhal Mòr Ostaig ag iarraidh gun gabh cùisean aontachadh leis gach neach ach far a bheil seo do-dhèante, tha còraichean aig Sabhal Mòr Ostaig air atharrachaidhean ciallach a dhèanamh a rèir tuarastal an neach-obrach às dèidh bruidhinn ris/rithe mun chùis.

An Giblean 2019

**Sònrachadh Pearsa**

<b>Sgilean</b>	<b>Riathanach</b>	<b>Miannach</b>
<b>Foghlam</b>	Ceum (le Urram) Fianais gu bheillear dealasach a thaobh leasachadh proifeiseanta agus pearsanta Teisteanas stiùiridh no fianais gun do rinneadh leasachadh proifeiseanta a thaobh stiùireadh luchd-obrach	Barantas for-cheum Seasamh ann an saoghal an fhoghlaim
<b>Sgilean Gàidhlig</b>	Làn-fhileanta sa Ghàidhlig Eòlach air a bhith a' leasachadh is a' brosnachadh na Gàidhlig	Teisteanas anns a' Ghàidhlig Fianais air obair le buidhnean Gàidhlig
<b>Eòlas</b>	Fianais de stiùireadh ro-innleachdail aig àrd ìre Eòlas air saoghal an fhoghlaim agus/no an rannsachaidh Eòlas air cruthachadh agus neartachadh dhàimhean le daoine aig diofar ìrean Tuigse mhath mu uallaichean ionmhais agus deagh riaghladh Fianais de stiùireadh bhuidseatan agus smachd air ionmhas	Tuigse mun t-saoghal phoilitigeach a thaobh cholaistean is foghlam àrd ìre Fianais de chruthachadh sruthan airgid ach le tuigse mu chunnartan. Tuigse a thaobh cùram dhaoine òga agus inbhich so-leònte
<b>Sgilean agus Comasan</b>	Comas daoine a stiùireadh agus a bhrosnachadh gus toirt orra a bhith ag obair aig àirde an cuid chomasan Sàr sgilean eadar-phearsanta Comas a bhith a' cumail ri buidseatan teann Comas luchd-obrach a chomhairleachadh agus a stiùireadh Sgilean sgrùdaidh math Sàr sgilean conaltraidh - labhairt agus sgrìobhte	Sgilean gnìomhachais is cruthachail Cead-siubhail

## Fiosrachadh Eile

- 'S e Sabhal Mòr Ostaig am fastaiche
- Bidh thu ag obair 35 uairean san t-seachdain
- Gheibhear 35 saor-latha sa bhliadhna (làithean poblach nam measg). Cha tèid na làithean a chuingealachadh ach cumar 10 làithean ag àm na Nollaige leis gum bi a' Cholaiste fhèin dùinte. Bidh bliadhna nan saor-làithean a' ruith eadar 1 Am Faoilleach – 31 An Dùbhlachd agus cha ghabh an cumail chun na h-ath bhliadhna.
- Tha siostam measaidh stèidhichte aig a' Cholaiste
- Thathar a' sùileachadh gun gabh luchd-obrach pàirt anns na cùrsaichean trèanaidh riatanach agus gum bi iad deònach an cuid leasachadh proifeiseanta a leasachadh
- Tha Sabhal Mòr Ostaig a' cur taic ri sgilean Gàidhlig a leasachadh
- Tha sgeama peinnsein aig an t-Sabhal Mhòr le Scottish Widows agus bidh cothrom aig luchd-obrach clàradh san sgeama àrachais-beatha cuideachd
- Feumar a dhol tro sgrùdadh PVG, seach gur e colaiste a th' ann an Sabhal Mòr Ostaig
- 'S e Sabhal Mòr Ostaig prìomh àite na h-obrach ged a bhios agaibh ri siubhal bho àm gu àm gu coinneamhan is tachartasan.

**Fios mu Iarrtasan**

**Co-ionannachd Chothroman**

Tha co-ionannachd chothroman aig cridhe Shabhal Mòr Ostaig.

**Iarrtasan**

Gheibhear foirmichean-iarrtais an seo.

**Tillibh litir agus foirm-iarrtais gu:**

Sgiobachd  
Sabhal Mòr Ostaig  
An Teanga  
An t-Eilean Sgitheanach  
IV44 8QR

No air post-d gu: [obair@smo.uhi.ac.uk](mailto:obair@smo.uhi.ac.uk)

**Ceann-là:** 3 An Cèitean 2019

**Agallamhan:** 20 no 21 An Cèitean 2019 (ri dhearbhadh)